



Selasa, 25 Oktober 2022
Ogen: 2 Korintus 3:18



Reh Dekahna Reh Muliana



Lit piga-piga istilah si pengertinna menam seri tapi situhuna antusenna la serupa. Eme "tua-tua ridap" ras "tua-tua keladi". Adi tua-tua ridap ertina reh tuana reh gersingna, reh buena nilai gizi si erguna. Adi tua-tua keladi reh tuana reh buena laguna la mehuli. Adi kita apai nge pangen e, jadi tua-tua ridap ntah tua-tua keladi? Asa bancina adina kita kalak Kristen si inget min maka reh buena wari si dalani ras Tuhan, biakna maka kita enda reh ulina. Adi kalak ersura-sura reh ulina arus maka ia terbuka guna erlajar ras iajari. Kalak si lanai nggit erlajar ras la terbuka guna pengajaren maka ia desken buah si nggo tasak, nimai macikna nari adi la ipanken. Bageme biak kalak Jahudi si bertahan kerna hukum taurat, la ia terbuka guna ngidah Jesus selaku penggenepi taurat e jine. E maka mbue si mbatasi dirina guna erbahan si mehuli sabap aturen-aturen agama si ketat enda ndai. Mbelin tembok si ngolangi kalak enda ngidah mujizat arah Tuhan Jesus sabap la nari siat pusuhna ngalokenca. Tapi kalak siitegu Kesah Si Badia lit i bas ia sura-sura guna mbebaskan diri guna ngaloken pengajaren si erbahanca ia nandai Dibata, si reh dekahna reh mbagesna itandai. Kesah Badia e erbahanca maka lit bas kita karakter Kristus, biak Kristus siringan bas kita e me si tep-tep wari ngampang-ngampagi kita i bas si ilat nari, si mpengasup kita saber, megenggeng ngalaken kiniseran ras si mpeteguhi kinitekenta. Perubahenta arah kalak si meturdak jadi kalak si teneng em mujizat si idahiken Kesah Si Badia e. Kesah Si Badia erdahin mereken mujizat man banta, labo terjeng mujizat musil jadi bayak, sakit jadi sehat, bahasa roh, pengusiren setan. Tujun utama Tuhan bas geluhta labo "kenyamanan" tapi pengembangan karakter, reh tuana reh muliana. Reh dekahna reh bijakna, reh saberna, rehen kerina si mehuli arah pengerana, perbahanen ras sura-surana si maba kemalemante man bana ras sekelewetna.